

Headline	Festival Makanan Ipoh promosi makanan setempat		
MediaTitle	Utusan Malaysia (Utara)		
Date	03 Apr 2019	Color	Full Color
Section	News	Circulation	4,244
Page No	46	Readership	12,732
Language	Malay	ArticleSize	134 cm ²
Journalist	N/A	AdValue	RM 1,263
Frequency	Daily	PR Value	RM 3,790



Festival Makanan Ipoh promosi makanan setempat

IPOH 2 April - Kerajaan negeri buat julung kalinya bakal menganjurkan Festival Makanan Ipoh dan Festival Kopi Ipoh dalam usaha mempromosi produk makanan setempat serta menggalakkan penggunaan hasil tanaman keluaran Perak.

Pengerusi Jawatankuasa Pembangunan Belia dan Sukan negeri, Howard Lee Chuan How

berkata, program itu juga diharapkan dapat meningkatkan keyakinan usahawan tempatan terutamanya golongan belia untuk menceburi bidang pertanian dan kulinari.

"Festival Makanan Ipoh yang menonjolkan pasar tani dan bazar makanan tempatan akan diadakan pada 27 April

ini di sepanjang Kinta River Walk bermula pukul 8 pagi sehingga pukul 12 malam.

"Bagi Festival Kopi Ipoh pula, ia akan diadakan pada 4 Mei depan di lokasi sama dengan mendedahkan kepada pengunjung jenis kopi tradisional serta budaya kopi yang boleh didapati dalam pasaran tempatan," katanya dalam sidang akhbar di sini hari ini.

Howard berkata, penganjuran program itu juga akan dijalankan berasaskan konsep mesra alam yang mana pengunjung yang menyertai Festival Makanan Ipoh digalakkan untuk membawa bekas makanan sendiri bagi mengurangkan penggunaan plastik.



**HOWARD LEE
CHUAN HOW**